

ХУУЛЬ ТОГТООМЖ, ТОГТООЛ, ШИЙДВЭРИЙН
2023 ОНЫ 09 ДҮГЭЭР САРЫН ХЭРЭГЖИЛТЭД ХИЙСЭН
ХЯНАЛТ-ШИНЖИЛГЭЭ, ҮНЭЛГЭЭНИЙ ТАЙЛАН

2023 оны 10 дугаар сарын 02

Улаанбаатар хот

Хууль тогтоомж, тогтоол, шийдвэрийн тус байгууллагад холбогдох зүйл, заалтуудын 2023 оны 09 дүгээр сарын хэрэгжилтэд Засгийн газрын 2020 оны 206 дугаар тогтоолоор баталсан “Бодлогын баримт бичгийн хэрэгжилт, захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам”-ын дагуу хяналт-шинжилгээ хийж, үр дүнг үнэлэв.

Хяналт-шинжилгээ, үнэлгээнд Засгийн газрын тогтоол, Засгийн газрын хуралдааны тэмдэглэлд тусгагдсан 4 арга хэмжээний 5 зүйл, заалтыг үйл ажиллагаандаа хамруулснаас 100 хувьтай буюу бүрэн хэрэгжсэн 5 зүйл, заалт байна. Үүнд:

1.Монгол Улсад 30 хүртэл хоногийн хугацаагаар жуулчлах хавсралтад дурдсан улсын иргэдийг 2025 оны 12 дугаар сарын 31-ний өдрийг хүртэл Монгол Улсын визийн шаардлагаас чөлөөлсүгэй. 2.Энэ тогтоолын хэрэгжилтийг хангаж ажиллахыг Гадаад харилцааны сайд Б.Батцэцэг, Хууль зүй, дотоод хэргийн сайд Х.Нямбаатар нарт даалгасугай.

Хэрэгжилт: Засгийн газрын 2023 оны 01 дүгээр тогтоолоор Монгол Улсын цахим виз олгох улсын жагсаалтад багтаж байсан Европын улсууд болон Австрали, Шинэ Зеланд зэрэг 34 улсын иргэнийг визийн шаардлагаас чөлөөлснийг үндэслэн “Визийн мэдээллийн нэгдсэн сан” систем (evisa.mn)-ээс хавсралтад дурдсан улсыг хасаж, шийдвэрийг мөрдөн ажиллаж байна. /Хэрэгжилт 100 хувь/

2.Хил орчмын аялал жуулчлалыг хөгжүүлэх, бэлтгэл хангах арга хэмжээ авах, үйл ажиллагааг тусгайлан зохицуулсан хөтөлбөр боловсруулж батлуулан ажиллахыг Байгаль орчин, аялал жуулчлалын сайд Б.Бат-Эрдэнэ, Гадаад харилцааны сайд Б.Батцэцэг, Хууль зүй, дотоод хэргийн сайд Х.Нямбаатар нарт;

Хэрэгжилт: Бүгд Найрамдах Хятад Ард Улсын ӨМӨЗО-ны Эрээн хотноо 08 дугаар сарын 30-аас 09 дүгээр сарын 03-ны өдрүүдэд зохион байгуулагдсан “Олон Улсын эдийн засаг, худалдаа, хөрөнгө оруулалтын чуулга уулзалт, үзэсгэлэн худалдаа” арга хэмжээнд оролцож, “Монгол, Хятадын хилийн боомтын менежментийн хамтын ажиллагааны хөтөлбөр”-ийн хүрээнд Эрээн хотын дэд дарга, дотоодыг хамгаалах товчооны дарга болон албаны бусад хүмүүстэй уулзлаа. Дээрх уулзалтаар Замын-Үүд хилийн боомтын үйл ажиллагаа жигдэрсэнтэй холбогдуулан тус боомтод жуулчин ангиллын виз олгох, визийн хураамжийг бууруулах, бүлэг жуулчдад хөнгөлөлт үзүүлэх, жуулчдыг хил орчмын аялал жуулчлалын цэнхэр үнэмлэх (EXIT AND ENTRY PERMIT)-ээр нэвтрүүлэх боломжийг судалж үзэхтэй холбоотой асуудлаар санал солилцов. /Хэрэгжилт 100 хувь/

3.Тогтоол батлагдсантай холбогдуулан “Монгол Улсын визийг цахимаар авах улсын жагсаалт”-д өөрчлөлт оруулах, гадаадын бусад улсыг нэмж хамруулах асуудлыг холбогдох байгууллагын саналыг харгалзан шийдвэрлэхийг Хууль зүй, дотоод хэргийн сайд Х.Нямбаатар, Гадаад харилцааны сайд Б.Батцэцэг нарт даалгав.

Хэрэгжилт: Засгийн газрын 2023 оны 01 дүгээр сарын 04-ний өдрийн 01 дүгээр тогтоолоор зарим улсын иргэнийг визийн шаардлагаас чөлөөлснийг үндэслэн “Визийн мэдээллийн нэгдсэн сан” систем (evisa.mn) дэх бүртгэлээс хавсралтад дурдсан 34 улсыг хасаж, Гадаад харилцааны сайд, Хууль зүй, дотоод хэргийн сайдын 2023 оны 02 дугаар сарын 03-ны өдрийн А/09, А/53 дугаар хамтарсан тушаалаар 98 улсыг цахим виз олгох улсын жагсаалтад нэмснийг уг системд бүрэн нэвтрүүлж, нийт 99 улсын иргэнд цахим визийг олгож байна. /Хэрэгжилт 100 хувь/

4.Тогтоол батлагдсантай холбогдуулан гадаадын иргэдийг Монгол Улсын хилээр нэвтрүүлэх, бүртгэл, хяналтыг сайжруулах чиглэлээр зохих арга хэмжээ авч ажиллахыг Хууль зүй, дотоод хэргийн сайд Х.Нямбаатар, Гадаад харилцааны сайд Б.Батцэцэг, Гадаадын иргэн, харьяатын газар (Н.Ууганбаяр), Хил хамгаалах ерөнхий газар (Х.Лхагвасүрэн), Тагнуулын ерөнхий газар (П.Одонбаатар) нарт даалгав.

Хэрэгжилт: Энэ оны өссөн дүнгээр 23300 иргэнд цахим виз олгосноос Монгол Улсын Засгийн газрын 2023 оны 01 дүгээр тогтоол болон Гадаад харилцааны сайд, Хууль зүй, дотоод хэргийн сайдын 2023 оны А/09, А/53 дугаар хамтарсан тушаалыг мөрдөж эхэлснээс хойш тайлант хугацаанд “Визийн мэдээллийн нэгдсэн сан” систем (evisa.mn)-ээр нийт 22764 гадаадын иргэнд цахим виз олгосон. /Хэрэгжилт 100 хувь/

5.Иргэдийн зорчих нөхцөлийг хөнгөвчлөх талаар БНСУ-ын холбогдох байгууллагатай хэлэлцээ хийх үүрэг бүхий Ажлын хэсэг байгуулж, энэ хүрээнд дараах асуудлыг хэлэлцэхийг Хууль зүй, дотоод хэргийн сайд Х.Нямбаатарт:

-Монгол Улсын Засгийн газар болон БНСУ-ын Засгийн газар хооронд байгуулсан Нийгмийн хамгааллын тухай хэлэлцээрт холбогдох нэмэлт, өөрчлөлт оруулах замаар харилцан нийгмийн даатгалаас чөлөөлөх хугацааг нэмэгдүүлэх, төлөгдсөн нийгмийн даатгалын буцаан олголтод хамаарах визийн ангилал хүрээг нэмэгдүүлэх;

-БНСУ-д эмчилгээ хийлгэж буй иргэдийг дэмжих зорилгоор тус улсын эмнэлгүүдийн төлбөрийн хөнгөлөлтийг эдлүүлэх болон эрүүл мэндийн даатгалд хамрагдах;

-Хөдөлмөрийн гэрээгээр БНСУ-д ажиллаж буй монгол иргэдийн эцэг, эх, үр хүүхэд, гэр бүлийн зүгээс тус улсад зорчих виз хүсэхэд тодорхой хөнгөлөлт эдлүүлэх.

Хэрэгжилт: Гадаад улсад хууль бусаар оршин суух хор уршгийг Монгол Улсын иргэдэд таниулах, хууль бусаар оршин суусан тохиолдолд зорилтот арга хэмжээнд

хамрагдан нутаг буцахад уриалах зорилгоор нэвтрүүлэг, видео танилцуулга, контент сурталчилгааны ажлуудыг тусган хэрэгжүүлэхээр тогтсоны дагуу цуврал контентыг бэлтгэн Ийгл телевиз болон мэдээллийн бусад хэрэгслээр дамжуулан олон нийтэд хүргэж байна. Үүнд:

- Бүгд Найрамдах Солонгос Улс нь тус улсад хууль бусаар оршин сууж байгаа гадаадын иргэдийг цөөлж, хууль ёсоор хөдөлмөрийн гэрээгээр ажиллагсад болон оюутны хөдөлмөр эрхлэлтийг дэмжих бодлогоо зарласан тухай мэдээллийг 09 дүгээр сарын 05-ны өдөр;

- Бүгд Найрамдах Солонгос Улсад хөдөлмөрийн гэрээт ажилчид тусгай мэргэжилтний E-7-4 ангилалд шилжих боломжтой болсон талаар байгууллагын даргын ярилцлагыг 09 дүгээр сарын 06-ны өдөр;

- Бүгд Найрамдах Солонгос Улс хил дээр Монгол Улсын иргэдийг хил нэвтрүүлэлгүй буцааж байгаа шалтгааны талаар тус улсын ЭСЯ-ны консулын ярилцлагыг 09 дүгээр сарын 21-ний өдөр;

- Бүгд Найрамдах Солонгос Улсад хууль бусаар оршин сууж буй иргэдийг өршөөлийн хөтөлбөрт хамруулах болсон тухай мэдээллийг 09 дүгээр сарын 27-ны өдөр тус тус олон нийтэд хүргэлээ. /Хэрэгжилт 100 хувь/

Гадаадын иргэн, харьяатын газрын 2023 оны 09 дүгээр сарын Монгол Улсын хууль тогтоомж, тогтоол, шийдвэрт тусгагдсан зорилт, арга хэмжээний нийт хэрэгжилт 100 хувьтай үнэлэгдлээ.

Цаашид нийт арга хэмжээний үр дүнг бууруулахгүйгээр чанаржуулж, үр дүнг бүрэн хангаж ажиллах шаардлагатай.

ГАДААДЫН ИРГЭН, ХАРЬЯАТЫН
ГАЗАР